

თბილისის თავისუფალი აკადემიის

აფილირებული აკადემიური/აკადემიური და
მოწვეული პერსონალის საათობრივი დატვირთვის,
საბაკალავრო ნაშრომისა პრაქტიკის ხელმძღვანელობის
ანაზღაურების წესი



თბილისი



მუხლი 1. ზოგადი დებულებები

1.1. უმაღლესი საგანმანათლებლო დაწესებულება - თბილისის თავისუფალი აკადემია (შემდგომში - „აკადემია“) სასწავლო პროცესს წარმართავს მოქმედი კანონმდებლობის, ამ წესისა და აკადემიაში მოქმედი სხვა სამართლებრივი აქტების შესაბამისად.

1.2. აფილირებული აკადემიური/აკადემიური და მოწვეული პერსონალის საათობრივი დატვირთვის, საბაკალავრო ნაშრომისა და პრაქტიკის ხელმძღვანელობის ანაზღაურების წესი არეგულირებს აკადემიის აკადემიური და მოწვეული პერსონალის მიერ ჩატარებული საათების ანაზღაურება, საბაკალავრო ნაშრომების ხელმძღვანელობისა და პრაქტიკის ხელმძღვანელობის ანაზღაურების პირობებს.

მუხლი 2. საათობრივი ანაზღაურება

2.1. ლექტორი ვალდებულია შეასრულოს სილაბუსით გაწერილი სასწავლო პროგრამა. აკადემიის სკოლის დეკანი ამოწმებს შეასრულა თუ არა ლექტორმა სასწავლო და საგამოცდო კვირების დატვირთვა და აღადგინა თუ არა გაცდენილი საათები.

2.2. იმ შემთხვევაში თუ ლექციას და სემინარს უძღვება სხვადასხვა პირი, შუალედური გამოცდის მასალის მომზადება და შეფასება ევალება სემინარის ხელმძღვანელს, ხოლო დასკვნითი და დამატებითი მასალის მომზადება და შეფასება - ლექტორს.

მუხლი 3. აფილირებული აკადემიური/აკადემიური და მოწვეული პერსონალის დატვირთვა

3.1. აფილირებული აკადემიური/აკადემიური პერსონალის დატვირთვისას აკადემია ითვალისწინებს აფილირებული აკადემიური/აკადემიური პერსონალის დატვირთვის ყველა იმ უმაღლეს საგანმანათლებლო დაწესებულებაში, სადაც მას უკავია აკადემიური ან/და სამეცნიერო თანამდებობა ან თანამშრომლობს მასთან, როგორც მოწვეული პერსონალი. აფილირებული აკადემიური/აკადემიური პერსონალი ვალდებულია ყოველი სემესტრის დასაწყისში აკადემიას მიაწოდოს ინფორმაცია მისი სხვა უმაღლეს საგანმანათლებლო დაწესებულებებში მოსალოდნელი დატვირთვის შესახებ.

3.2. აფილირებული პროფესორის სასწავლო დატვირთვა მოიცავს:

ა. კვირაში 8 – 10 საკონტაქტო საათის ჩატარებას (ლექცია, სემინარი);

ბ. პროგრამის განვითარებაზე ზრუნვას;



გ. სამეცნიერო საქმიანობის შესრულებას.

3.2.1. აფილირებული ასოცირებული პროფესორის დატვირთვა მოიცავს:

ა. კვირაში 10 – 12 საკონტაქტო საათის ჩატარებას (ლექცია, სემინარი);

ბ. პროგრამის განვითარებაზე ზრუნვას;

გ. სამეცნიერო საქმიანობის შესრულებას.

3.2.2. აფილირებული ასისტენტ - პროფესორის დატვირთვა მოიცავს:

ა. კვირაში 12 – 14 საკონტაქტო საათის ჩატარებას (ლექცია, სემინარი);

ბ. პროგრამის განვითარებაზე ზრუნვას;

გ. სამეცნიერო საქმიანობის შესრულებას.

3.2.3. აფილირებული ასისტენტის დატვირთვა მოიცავს:

ა. კვირაში 14 – 16 საკონტაქტო საათის ჩატარებას (ლექცია, სემინარი);

ბ. პროგრამის განვითარებაზე ზრუნვას;

გ. სამეცნიერო საქმიანობის შესრულებას.

3.3. აფილირებული აკადემიური/აკადემიური პერსონალი ვალდებულია მონაწილეობა მიიღოს საგანმანათლებლო პროგრამების შემუშავება/მოდულიზაცია/განვითარების პროცესში, ასევე საუნივერსიტეტო ღონისძიებებსა და აქტივობებში. აღნიშნული აქტივობები არ ექვემდებარება დამატებით ანაზღაურებას.

3.4. მოწვეული პერსონალის დატვირთვის ზღვრული ოდენობა არ შეიძლება აღემატებოდეს კვირაში 40 (ორმოც) საათს, რა დროსაც მხედველობაში მიიღება მისი დატვირთვა სხვა უმაღლეს საგანმანათლებლო დაწესებულებებშიც.

მუხლი 4. საბაკალავრო ნაშრომის ხელმძღვანელობის ანაზღაურების წესი

4.1. საბაკალავრო ნაშრომის ხელმძღვანელი შეიძლება იყოს აკადემიის აფილირებული აკადემიური/აკადემიური ან მოწვეული პროფესორი, რომელსაც გააჩნია შესაბამისი კომპეტენცია.

4.2. აფილირებული აკადემიური/აკადემიური პერსონალი ვალდებულია ერთი სასწავლო წლის განმავლობაში უხელმძღვანელოს მინიმუმ 2 (ორი) და მაქსიმუმ 5 (ხუთი) სტუდენტის საბაკალავრო ნაშრომს.

4.3. საბაკალავრო ნაშრომის ხელმძღვანელობა ანაზღაურდება სტუდენტთა რაოდენობის მიხედვით. თითო სტუდენტზე 80 (ოთხმოცი) ლარის ოდენობით.

მუხლი 5. პრაქტიკის ხელმძღვანელობის ანაზღაურების წესი

5.1. პრაქტიკის კომპონენტის ხელმძღვანელი შეიძლება იყოს აკადემიის აფილირებული აკადემიური/აკადემიური ან მოწვეული პერსონალი, რომელსაც გააჩნია შესაბამისი კომპეტენცია.

5.2. პრაქტიკის კომპონენტის ხელმძღვანელობა ანაზღაურდება სტუდენტის რაოდენობის მიხედვით.

მუხლი 6. გარდამავალი დებულებები და დასკვნითი დებულებები

6.1. აკადემიის წინამდებარე დებულება ამოქმედდება ხელმოწერისთანავე;

6.2. აკადემიის დებულების მიღება, გაუქმება, მასში ცვლილებებისა და დამატებების შეტანა ხორციელდება აკადემიის სენატის მიერ;

6.3. წინამდებარე დებულება ძალას კარგავს ახალი დებულების დამტკიცების შემთხვევაში.